

## ॥ सीता माता चालीसा ॥

### ॥ दोहा ॥

बन्दी चरण सरोज निज जनक लली सुख धाम,  
 राम प्रिय किरपा करें सुमिरौं आठों धाम ॥  
 कीरति गाथा जो पढ़ें सुधरें सगरे काम,  
 मन मन्दिर बास करें दुःख भंजन सिया राम ॥

### ॥ चौपाई ॥

राम प्रिया रघुपति रघुराई ब्रह्मदेही की कीरत गाई ॥  
 चरण कमल बन्दी सिर नाई, सिय सुरसरि सब पाप नसाई ॥  
 जनक दुलारी राघव प्यारी, भरत लखन शत्रुहन वारी ॥  
 दिव्या धरा सौं उपजी सीता, मिथिलेश्वर भयो नह अतीता ॥  
 सिया रूप भायो मनवा अति, रच्यो स्वयंवर जनक महीपति ॥  
 भारी शिव धनु खींचि जोई, सिय जयमाल साजिहें सोई ॥  
 भूपति नरपति रावण संगी, नाहिं करि सकें शिव धनु भंगा ॥  
 जनक निराश भए लखि कारन, जनम्यो नाहिं अवनिमोहि तारन ॥  
 यह सुन विश्वामित्र मुस्काए, राम लखन मुनि सीस नवाए ॥  
 आज्ञा पाई उठे रघुराई, इष्ट देव गुरु हियहिं मनाई ॥  
 जनक सुता गीरी सिर नावा, राम रूप उनके हिय भावा ॥  
 मारत पलक राम कर धनु लै, खंड खंड करि पटकन भू पै ॥  
 जय जयकार हुई अति भारी, आनन्दित भए सब नर नारी ॥  
 सिय चली जयमाल सम्हाले, मुदित होय ग्रीवा में डाले ॥  
 मंगल बाज बजे चहुँ ओरा, परे राम संग सिया के फेरा ॥  
 लौटी बारात अवधपुर आई, तीनों मातु करें नोराई ॥  
 केकेई जनक भवन सिय दीन्हा, मातु सुमित्रा गोदहि लीन्हा ॥  
 कौशल्या सूत भेंट दियो सिय, हरख अपार हुए सीता हिय ॥  
 सब विधि बांटी बधाई, राजतिलक कई युक्ति सुनाई ॥  
 मंद मती मंधरा अडाइन, राम न भरत राजपद पाइन ॥  
 केकेई कोप भवन मा गइली, वचन पति सौं अपनेई गहिली ॥  
 चौदह बरस कोप बनवासा, भरत राजपद देहि दिलासा ॥  
 आज्ञा मानि चले रघुराई, संग जानकी लक्ष्मन भाई ॥  
 सिय श्री राम पथ पथ भटकै, मृग मारीचि देखि मन अटकै ॥  
 राम गए माया मृग मारन, रावण साधु बन्यो सिय कारन ॥  
 भिक्षा के मिस लै सिय भाग्यो, लंका जाई डरावन लाग्यो ॥  
 राम वियोग सौं सिय अकुलानी, रावण सौं कही कर्कश बानी ॥  
 हनुमान प्रभु लाए अंगूठी, सिय चूड़ामणि दिहिन अनूठी ॥  
 अष्टसिद्धि नवनिधि तर पावा, महावीर सिय शीश नवावा ॥  
 सेतु बाँधी प्रभु लंका जीती, भक्त विभीषण सौं करि प्रीती ॥  
 चढ़ि विमान सिय रघुपति आए, भरत भात प्रभु चरण सुहाए ॥  
 अवध नरेश पाई राघव से, सिय महारानी देखि हिय हुलसे ॥  
 राजक बोल सुनी सिय बन भेजी, लखनलाल प्रभु बात सहेजी ॥  
 बाल्मीक मुनि आश्रय दीन्यो, लवकुश जन्म वहाँ पै लीन्हा ॥  
 विविध भौंती गुण शिक्षा दीन्ही, दोनुह रामचरित रट लीन्ही ॥  
 लरिकल के सुनि सुमधुर बानी, रामसिया सुत दुई पहिचानी ॥  
 भूलमानि सिय वापस लाए, राम जानकी सबहि सुहाए ॥  
 सती प्रमाणिकता केहि कारन, बसुंधरा सिय के हिय धारन ॥  
 अवनि सुता अवनी मां सोई, राम जानकी पही विधि खोई ॥  
 पतिव्रता मर्यादित माता, सीता सती नवावों माथा ॥